


Riu Palace Aruba a ricibi Crystal Apple Award pa "Best Staff & Service", otorga pa Apple Vacations

Nuebe resort di Riu a ricibi un Golden Apple Award



STA.CRUIZ -- Apple Vacations a premia Riu Palace Aruba cu e 2008 Crystal Apple Awards pa best staff & service - caribbean, y nuebe resort di Riu a ricibi un Golden Apple Award. John Mullen, Presidente y CEO di Apple Vacations, a anuncia esnan galardona cu e 2008 Crystal Apple Awards y Golden Apple Awards, dia 9 di September na Chicago. Sr. Mullen a entrega Sr. Luis Riu, CEO di Riu Hotels & Resorts, y Annette Schmid, Senior Vice President di Corporate

Contracting pa Caribe, Florida y Mexico pa Riu Hotels & Resort, e galardonnan Crystal Apple Award y Golden Apple Awards pa 2008. Ta berdaderamente un honor pa ricibi e premio Crystal Apple Award pa Mihor Personal y Servicio, e ta un reconocimiento. Nos ta masha orguyoso di nos miembronan di ekipo di trabao di Riu Palace Aruba", Sr. Riu a bisa. "For di nos team ehecutivo di e sociedad mercantil, te na nos team encarga cu resort, nos ta dedica masha esfuerzo y energia pa excede expectativa di nos bishitantenan y pa sigura e exito di agencia di biahe y di nos socionan mercantil. E hecho cu tanto di nos resortnan asina a ricibi un Golden Apple Award, ademas di e Crystal Apple Award, ta demostra cu nos ta logrando nos meta. Nos lo sigui aumenta,

desaroya y mehora nos habilidadnan pa di e forma aki sigui excede expectativa di tur nos socio y huespednan." Tanto e premio Crystal Apple como e premio Golden Apple ta reconoce hotelero cu haya cualificacion excepcional riba e casi 300,000 cuestionarionan Apple Vacations Satisfaction Questionnaires, yená na fin di nan vakantie door di turista cu a bini cu e tour operator Apple Vacations. E areanan cu nan por evalua ta inclui e personal y e servicio en general, calidad di e cuminda, comodidad, zonanan publico, beach y diverticion.

E Crystal Apple Award ta premia e "Mihor den e Mihornan" den seis diferente categoria, cuminzando cu "Mihor Destino". E ta e galardón mas competitivo y honroso cu Apple Vacations ta otorga. Riu

Palace Aruba, situa na Palm Beach cu bistanan espectacular riba laman, a gana e premio Crystal Apple, pa best staff & service - caribbean. E resort ta ofrece 450 kamber, cinco restaurant, cuatro bar y dos sala di conferencia. E resort all-inclusive tin dos piscina, un centro di fitness, internet café y, na un costo adicional, un spa di servicio completo. Hotel cu ricibi e puntuacion mas halto di Apple Vacations, ta gana e galardón Golden Apple Award. Nuebe resort di Riu a keda premiá cu un Golden Apple na 2008. E premio aki ta wordo duna na e hotelnan cu haya puntuacion excepcional riba cuestionariotocante Vacation Satisfaction y "tur hotel, premiá cu e Golden Apple, ta brinda un excepcional nivel di calidad, servicio y valor." E resortnan Riu cu a keda gratifica cu

Golden Apple ta: Riu Palace Aruba (Palm Beach, Aruba); Riu Bachata (Puerto Plata, Republica Dominicana); Riu Merengue (Puerto Plata, Republica Dominicana); Riu Palace Macao (Punta Cana, Republica Dominicana); Riu Palace Punta Cana (Punta Cana, Republica Dominicana); Riu Palace Cabo San Lucas (Cabo San Lucas, Mexico); Riu Palace Las Americas (Cancún, Mexico); Riu Palace Mexico (Playa del Carmen, Mexico); Riu Palace Riviera Maya (Playa del Carmen, Mexico) Fuera di esey, 18 resort di Riu a ricibi un clasificacion di 5 of mas Apple den e foyeto nobo pa 2009. E clasificacion aki ta significa cu e hotel ta satisface e normanan, como "Un excelente resort, cu kamber y servicio na e huesped, superior y di primera clase.